



Broj:
Sarajevo, __. __. 2018. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 - prečišćeni tekst), Gradsko vijeće Grada Sarajeva, na 23. sjednici održanoj 30.01.2018. godine, primilo je k znanju

Informaciju o pripremama za EYOF 2019. za decembar 2018. godine.

PREDSJEDAVAJUĆI GRADSKOG VIJEĆA

Igor dr. Gavrić



BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

Informacija
o pripremama za EYOF 2019.
za decembar 2018. godine

Predlagač: Gradonačelnik

Obrađivač: JP „EYOF 2019“ d.o.o.

Sarajevo, januar 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Na temelju usvojenog Plana rada za 2018. godinu, „EYOF 2019“ d.o.o., u mjesecu decembru 2018. godine obavio je slijedeće aktivnosti od značaja za pripreme i realizaciju Evropskog omladinskog olimpijskog festivala 2019 Sarajevo i Istočno Sarajevo.

01.12.2018. godine – Održana je akcija čišćenja stadiona „Asim Ferhatović Hase“ u organizaciji Opštine „Centar“. Na ovom stadionu će biti održana Ceremonija otvaranja EYOF 2019. Istog dana, uspostavljen je glavni operativni centar u Hotelu „Hollywood“.

04.12.2018. godine – Održan je sastanak sa gradonačelnikom grada Sarajevo, g. Skaka. Tema sastanka bila je tok pripreme i realizacije aktivnosti na projektu EYOF 2019.

05.12.2018. godine – Održan je sastanak sa predstavnicima ZOI '84.

Istog dana, u sjedištu EU delegacije održana je prezentacija projekta EYOF 2019. Prezentaciji su prisustvovali brojni ambasadori zemalja učesnica EYOF 2019, koji su izrazili zadovoljstvo dosadašnjim tokom projekta. Takođe, dali su punu podršku projektu u daljem toku realizacije.

Poslat je Izvještaj o radu za novembar (akt br: 03-581-12/18 grad Sarajevo) i (akt br: 03-582-12/18 grad Istočno Sarajevo).

06.12.2018. godine – Održana je 15.sjednica Izvršnog komiteta u hotelu „Han“ na Bjelašnici. Sjednici je pored članova Izvršnog komiteta prisustvovao i gradonačelnik grada Sarajevo, g.Abdulah Skaka.

07.12.2018. godine - Groodvy i EYOF 2019 dali su podršku najboljim sportistima koji su izabrani na Izboru sportiste godine 2018., prema odluci Olimpijskog komiteta BiH. Prisutni su upoznati sa projektom EYOF 2019. Larisa Cerić je dobila nagradu najboljeg sportiste 2018. godine. Takođe, bitno priznanje je dodijeljeno gradonačelniku grada Sarajevo, Abdulahu Skaka, za obnovu Olimpijskog muzeja i veliki doprinos u organizaciji EYOF 2019.

06.-08.12.2018. godine – Delegacija EYOF 2019, grada Istočno Sarajevo, te Univerziteta u Sarajevu bila je u radnoj posjeti Novom Sadu. Ovom prilikom posjetili smo Pokrajinski sekretarijat za visoko obrazovanje i naučnoistraživačku djelatnost, gdje nas je ugostio Pokrajinski sekretar prof.dr Zoran Milošević.

Takođe, posjetili smo Rektorat Univerziteta u Novom Sadu, gdje smo održali sastanak sa prorektorom prof.dr Sanjom Podunavac Kuzmanović.

Nakon toga uslijedila je prezentacija projekta EYOF 2019 prisutnim profesorima i studentima ovog Univerziteta, koji su izrazili želju da volonterski učestvuju na ovom najvećem sportskom događaju u BiH nakon 1984.godine.

10.12.2018. godine - U prostorijama EYOF 2019 održan je sastanak sa Oružanim snagama BiH, koji su dali punu podršku projektu EYOF 2019.

Istog dana, na programu BHRT emitovana je emisija "U susret EYOF-u". Gosti emisije bili su gradonačelnik Grada Sarajevo, Abdulah Skaka, gradonačelnik Grada Istočno Sarajevo, Nenad Vuković, zamjenik predsjednika Olimpijskog komiteta BiH, Izet Rađo, te direktor "EYOF 2019" d.o.o., Senahid Godinjak.

11.12.2018. godine – Održan je sastanak u Operativnom štabu Ministarstva sigurnosti.

Istog dana, održana je 21. redovna Skupština društva „EYOF 2019“ d.o.o. Na skupštini su usvojene odluke za neophodno pokretanje procesa javnih nabavki u skladu sa već unaprijed usvojenim planom.

13.12.2018. godine – Privredno društvo "EYOF 2019" d.o.o. i Federalna uprava civilne zaštite danas su ozvaničili saradnju potpisivanjem Sporazuma o stručnoj saradnji i partnerstvu. Predmet ovog sporazuma je stručno-partnerski odnos koji se ogleda u kontinuiranoj podršci aktivnostima u cilju sto bezbjednije i uspješnije organizacije ovog događaja. Sporazum su potpisali direktor "EYOF 2019" d.o.o. Senahid Godinjak i direktor Federalne uprave civilne zaštite Fahrudin Solak.

17.12.2018. godine – Poslat je odgovor na vjećničko pitanje u vezi izrade brošura i publikacija.

Istog dana, Vučko, Sunny i Groodvy učestvovali su u akciji dobrovoljnog davanja krvi na Kliničkom centru Univerziteta u Sarajevu.

18.12.2018. godine - Na prostoru Babin do na Bjelašnici sutra održana je vježba traganja, spašavanja i evakuacije u zimskim uslovima "Bjelašnica 2018".

Federalna uprava civilne zaštite, zajedno sa Oružanim snagama BiH, KJP "ZOI '84" i Policijskom upravom Trnovo u vježbi su učestvovali u okviru logističke podrške i sa timom od 45 obučanih pripadnika za traženje i spašavanje nestalih.

Ova vježba, imala je za cilj prezentaciju mogućnosti navedenih službi i provjeru njihovih sposobnosti i opremljenosti pri zajedničkom djelovanju na terenu, kao i pripremu za Evropski omladinski olimpijski festival koji će se održati u Sarajevu i Istočnom Sarajevu od 9. do 16. februara 2019. godine, u čijoj će realizaciji učestvovati i FUCZ kroz uključivanje ljudskih i materijalno-tehničkih sredstava i drugih kapaciteta.

19.12.2018. godine – Potpisan je Sporazum o saradnji i partnerstvu sa HBC Coca-Cola za BiH. Riječ je o drugom diamond partneru. Dosta dobro odradjena press konferencija, i skoro svi domaći mediji su ovaj događaj popratili.

20.12.2018. godine – Održana je interaktivna pripremna radionica u organizaciji Evropskog omladinskog olimpijskog festivala 2019 (European Youth Olympic Festival - EYOF) i "Dijaloga za budućnost" (Dialogue for the Future – DFF), zajedničkog projekta Predsjedništva Bosne i Hercegovine i Ujedinjenih nacija.

Tema radionice bila je volontiranje na predstojećem EYOF 2019. Ovaj projekat implementiraju UNDP, UNICEF i UNESCO u partnerstvu sa Predsjedništvom Bosne i Hercegovine, a posvećen je stvaranju prostora za dijalog, promociji društvene kohezije i poštivanju različitosti, s ciljem kreiranja bolje budućnosti. Projekat se finansira sredstvima Ureda Ujedinjenih nacija za podršku izgradnji mira/Fonda za izgradnju mira (PBF). Prisutnima se obratio i direktor EYOF 2019, kao i marketing menadžer, koji je prezentovao projekat EYOF 2019, kao i način učešća ovih volontera u istom.

Istog dana, ispred SCC održan je zajednički promotivni događaj sa Coca-Cola-om. Coca-Cola je na platou pored maskote Groodvy postavila promotivni kamion. Sugrađani su mogli da se fotografišu sa Coca Cola Deda Mrazom i Groodvy-em. Za ovaj događaj, EYOF 2019 je rezervisao prostor i završio svu dokumentaciju za dobijanje dozvola od SCC i Opštine Centar.

21.12.2018. godine – Počelo je emitovanje emisije „Odbrojavamo do EYOF-a“ na talasima IS Radia. Emisija će biti emitovana svakog petka u terminu od 13:00-14:00h.

Istog dana, na Palama je postavljena maskota Groodvy i brojač vremena do EYOF-a 2019. Ceremoniji su prisustvovali predstavnici gradova domaćina, OK BiH i predstavnici privrednog društva „EYOF 2019“ d.o.o.

24.12.2018. godine - Pripreme za svečanu Ceremoniju otvaranja EYOF-a 2019 uveliko traju. Danas je srednjoškolce, koji će učestvovati u programu Ceremonije otvaranja, na probi posjetio gradonačelnik grada Sarajevo Abdulah Skaka. Tom prilikom izrazio je zahvalnost za učestvovanje u ovom vrlo važnom projektu, ne samo za grad Sarajevo, nego i za cijelu BiH, a posebnu zahvalnost izrazio je njihovim proseforima za saradnju i istrajnost u želji da sve bude na zavidnom nivou. Koreograf Edina Papo aktivno radi na pripremama koreografije, a prijatelji projekta EYOF 2019 Coca - Cola i AS grupacija dali su svoj doprinos kako bi srednjoškolcima obezbjedili odlične uslove za vježbu i pripreme. Dobro raspoloženje je sveprisutno u Zetri gdje se srednjoškolci spremaju za veliki dan, 10.02. kada će Sarajevu nakon 35. godina ponovo biti vraćen olimpijski sjaj, činom paljenja olimpijskog plamena. Stadion Asim Ferhatovic Hase spremno će dočekati sve one koji žele biti djelom ovog jedinstvenog događaja 10. februara 2019. godine uz simboličnu poruku "We create together".

24.12.2018. godine – Potpisan je Sporazum o saradnji i partnerstvu sa „IS Radio“.

25.12.2018. godine – Održan je sastanak sa Republičkom upravom Civilne zaštite RS.

Poslat je finansijski izvještaj gradovima Sarajevo i Istočno Sarajevo za oktobar i novembar mjesec 2018. godine.

27.12.2018.godine – Održana je 16.sjednica Izvršnog komiteta, na kojoj je prezentovan rad svih pojedinačnih sektora.

Tokom mjeseca decembra sklopljeni su sledeći Sporazumi:

- Ugovor o nabavci – programski paket za upravljanje projektom (software za snowboard) → Direktni sporazum (“EYOF 2019” d.o.o. i “Purple key” d.o.o. Sarajevo);
- Zaključen Okvirni sporazum o nabavci i isporuci roba: *Oznake* (“EYOF 2019” d.o.o. i “Garmond” d.o.o. Sarajevo);
- Komisija za javne nabavke provela postupak otvaranja ponuda u postupku nabavke: *Usluge podrške za personalne kompjutere*, donesena Odluka o izboru najpovoljnijeg ponuđača (“Imtec” d.o.o. Sarajevo), postupak je u fazi realizacije;
- Ugovor o nabavci usluga: usluge instaliranja metalnih kontejnera (“EYOF 2019” d.o.o. i “BOSMAN” d.o.o. Sarajevo → Direktni sporazum);

- Ugovor o nabavci usluga: Usluge rukovanja kontejnerima (**“EYOF 2019” d.o.o. i “BOSMAN” d.o.o. Sarajevo** → Direktni sporazum
- Komisija za javne nabavke provela postupak otvaranja ponuda u postupku nabavke: *Kompjuterska oprema i potrepštine*, donesena Odluka o izboru najpovoljnijeg ponuđača (**“ITD” d.o.o. Sarajevo**), postupak je u fazi realizacije;
- Pokrenut otvoreni postupak nabavke: *Tehničke publikacije* (otvaranje ponuda zakazano za 10.01.2019. godine);
- Sporazum o poslovnoj saardnji i partnerstvu (**“EYOF 2019” d.o.o. i “JP GRADSKI RADIO d.o.o. - IS RADIO”**);
- Komisija za javne nabavke provela postupak otvaranja ponuda u postupku nabavke: *Prevozne usluge osim prevoza otpada*, postupak je u fazi realizacije;
- Komisija za javne nabavke provela postupak otvaranja ponuda u postupku nabavke: *Usluge kampanje oglašavanja*, postupak je u fazi realizacije;
- Ugovor o nabavci usluga: *Usluge zračnog prevoza* (**EYOF 2019” d.o.o. i “Mia tours” d.o.o. Sarajevo**);
- Ugovor o nabavci roba: *Kompleti baterija* (**EYOF 2019” d.o.o. i “MIBO Komunikacije” d.o.o. Sarajevo**);
- Ugovor o nabavci usluga: *Usluge interneta* (**EYOF 2019” d.o.o. i “BH TELECOM” d.d.**);
- Ugovor o nabavci roba: *Odjevni dodaci* (**EYOF 2019” d.o.o. i Murix” d.o.o. Špionica-Tuzla**);
- Ugovor o nabavci usluga: *Usluge punjenja rezervoara vozila* (**EYOF 2019” d.o.o. i “El-Tarik Oil” d.o.o. Sarajevo**);
- Ugovor o nabavci radova: *Sanacijski radovi* (**EYOF 2019” d.o.o. i “Velike šume” d.o.o. Pale**);
- Ugovor o nabavci usluga: *Usluge provajdera* (**EYOF 2019” d.o.o. i M-tel a.d. Banja Luka**);
- Ugovor o nabavci roba: *Identifikacijske narukvice* (**EYOF 2019” d.o.o. i “SP GAMAPRINT&DESIGN” Istočno Sarajevo**);
- Ugovor o nabavci usluga: *Prateće ili pomoćne usluge prevoza; usluge putnih agencija* (**EYOF 2019” d.o.o. i CENTROTRANS EUROLINES” d.d. Sarajevo**);
- Poslata je urgencija Gradu Istočno Sarajevo za prenos fin sredstava od strane Ministarstva civilnih poslova u iznosu od 950.000,00 KM;

- Izdate su fakture za prvi dio participacije za EYOF 2019;
- Finaliziran je izgled poštanske markice sa BH poštom i Poštama RS i poslat EOK-u na odobrenje nakon čega će biti pušten u štampu. Promocija markice očekuje se 09. februara 2019.godine.
- Medijski nastupi: Fena, Hayat, BN TV, TV1, ALFA TV, BH Radio 1.